



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus IV. An lite pendente super causa matrimoniali aliquid innovari
possit?

[urn:nbn:de:hbz:466:1-73001](#)

nereck in c. *dispendiis* 1. h. t. in 6. censem, duobus in discordia electis, quandoque valere secundam, si facta sit primâ nondum cassatâ, vel in litigium deductâ; deinde in c. *Ex parte* 10. de Arbitris, dicitur, quod si Canonici eligant duos, & negotium Arbitris compromittatur, Canonicos non posse procedere ad novam electionem, si ante sententiam moriatur unus electus, nisi prius Arbitr̄ judicet de sufficiencia electi superstites; quia iste electus habet adhuc jus ad beneficium, licet compromissum per mortem unius compromitentium fuerit finitum: at in c. *dispendiis* 1. eod. in 6. dicitur, se lite pendente procedatur ad aliam electionem, ipsam esse jure nullam.

1358. Sic enim loquitur Bonifacius VIII. in dict. c. *dispendiis*: dispendiis, quæ propter electiones diversas Ecclesiæ patiuntur interdum, occurrere cupientes: statuimus, ut si aliquibus apud Sedem Apostolicam, vel alibi litigantibus, super electionibus de se in discordia celebratis) aliquem ipsum mori, vel suo iuri renuntiare, aut à prosecutione ipsius contigerit quoquo modo excludi: ad electionem aliam (lite super electione superstites electi pendente (nullatenus procedatur; alias attentata contra hoc electio, ipso jure viribus non subsistat.

1359. Ex hac Bonifacii decisione deducitur, pendente lite super diversis electionibus, ad idem beneficium, non posse validè procedi ad aliam electionem, etiam si unus litigantium electorum moriatur, vel juri suo renuntiet, aut alio modo excludatur; casus igitur iste procedit de electionibus illis in litigium deductis; cui non contrariatur, quod tradit Wagereck in c. *dispendiis*; nam casus ille procedit de electione facta, altera nondum in litigium deductâ. Sed nec obstat c. *Ex parte*; nam, licet ibi dicatur, mortuo uno compromitentium, Canonicos non posse procedere ad novam electionem, nisi prius Arbitr̄ cognoscat de sufficiencia electi; ex quo inferri possit: ergo si Arbitr̄ deprehenderet insufficientem, possent Canonici procedere ad novam electionem; hoc enim intelligitur, post sententiam Arbitri de sufficiencia, vel insufficientia electi superstites; sic enim lis jam est finita.

1360. Deducitur 2. per mortem electi ante confirmationem, non vacare beneficium,

ad quod electus est; sed continuari priorem vacationem usque ad confirmationem alterius electi; secus est, per mortem electi jam confirmati, licet neccum possessionem adepti; sic gloss. in Clement. 1. h. t. Francus ibid. n. 1. Layman in c. 1. eod. in 6. à n. 1.

Deducitur 3. nec à Patrono lite pendente super habilitate unius ab ipso presentati, posse aliquid innovari, praesentando alterum; nam omnis innovatio, præjudicans alteri litigantium, lite pendente prohibita est; unde cum dicitur, Patrono Laico, intra quadrimestre, licitum esse variare, juxta c. *Cum autem* 24. de jure Patronat. intelligendum est jure ordinario, & extra calum litis priori motæ, & adhuc pendentis; ita Layman cit. n. 2.

1362. Circa eandem materiam in causis beneficialibus agitur etiam in c. *Si hi*, h. t. in 6. ubi Bonifacius VIII. statuit, si hi, contra quos super beneficiis, quæ possident, litigatur, lite pendente cedant, vel forte descendant, ut beneficia hujusmodi, donec contra superstites lis finita fuerit, aliis nullatenus conferantur; nec ad ea eligatur quispiam, vel præsentetur; Secus factum sit irritum: si tamen ad defensionem litis aliqui, quorum interest, petant admitti, eos in illo statu, in quo ipsam invenerint, decernit admittendos; not. autem, in hoc, c. agi de mota, & pendente lite super beneficio obtento; in c. *dispendiis* autem super obtinendo; & ideo volentibus causam defuncti, vel cedentis prosequi, id conceditur, cum eorum possit interesse, super expensis litis in causæ victoria, &c.

ARTICULUS IV.

An lite pendente super causâ matrimoniali aliquid innovari posset?

1363. Clementi III. proposita fuit quæstio; *Can, quando matrimonium accusari contingit* (v. g. ad separationem thori propter alterius adulterium) *statim sit carnale commercium interdicendum?* ad hanc quæst. respondit Clemens, ut habeatur in c. *Laudabilem* 5. h. t. quod, cum Alexander III. aperte prohibeat, ne ab in-

vicem,

vicem, donec justa fiat causæ examinatio, separentur, & Symmachus Papæ contineat institutum, ut Prælatus aliquis accusatus, antequam ea, quæ objiciuntur, luce clarescant, relinquì non debeat à subjectis in præsenti articulo: alteruter Conjugum accusatus, ante probatam accusationem jure, quod habet in altero, privari non possit; ubi Gonzalez in dict. c. 5. n. 2. notat non esse legendum Alexander III. sed II. ac illius sententiam reperiri c. multorum 35. q. 6. ibi: causam illam examinaverit; Symmachus 8. q. 1. c. 1.

1364. Ex hoc c. *Landabilem* deducunt communiter hanc assertionem, quod Conjunxitate pendente super matrimonio non debeat privari jure, quod habet in alium Conjugem; ita Sanchez l. 7. de matr. D. 2. *Convar. p. 2. de sponsalib. c. 8. §. 1.* Lancelotus p. 2. de attentat. c. 4. & alii. Cujus ulterior ratio est, quia communis regula est ex Rubrica hujus tituli, lite pendente nihil innovandum esse, sed omnia in eo statu, quo fuerunt, cum lis moveretur, permanere debere, usque dum causa definitivè terminetur; nam utriusque juris principium est, *ex alieno facto alterius conditionem deteriorem fieri non posse*; ne in alicuius potestate sit, non delinquentis conditionem deteriorem facere, L. 2. ff. *quod vi aut clam*, L. 1. ff. de alienat judic. L. non debet 74. ff. de R. J. c. 3. b. t. quod eveniret, si lite pendente, in verso ordine, aliquid innovaretur, vel circa ipsam rem, de qua agitur, vel circa ejus possessionem, vel circa jus, quod eo tempore vigebat.

1365. Dices tamen 1. si lite pendente nihil esset innovandum, nunquam daretur sequestratio possessionis; sed in utroque jure lite pendente possessio rei penes tertium potest sequestrari, ut dicemus *tit. seq.* ergo lite pendente possessor potest commodo possessionis privari. 2. Maritus non tenetur cohabitare cum muliere adultera, nec illi reconciliari cogitur, c. *Si vir 3. de Adulteriis*, imò si cohabitaverit absque reconciliatione, creditur Patronus turpitudinis, atque conscientia sceleris; & ita ut leno puniri potest; igitur, si in præsenti accusatione de Adulteriis præcesserat, ut supponunt hic repetentes, etiam lite pendente, non tenetur Maritus recipere peccatricem, aut innocentem cum nocente cohabitare cogitur. Ad 1. Resp. quando dicitur, lite pendente

nihil esse innovandum, intelligi, nisi in casibus jure expressis; & ideo possessor nec per sequestrationem privari potest commodo possessionis, nisi in casibus jure permisso, de quibus *tit. seq.* A. 2. constat responso ex l. 4. a. n. 1543. tametsi enim iure permisso sit Marito adulteram rejicere, si Adulterium sit notorium, vel evidentia facti, vel propriâ confessione ejus, qui Adulterium commisit, si hoc factum sit, antequam res in judicium delata est, judicio jam capto; secus tamen est lite pendente, quod supponit nondum constare de Adulterio. Qualiter autem in judicio possessorio *unde vi* adhuc pendente in causis matrimonialibus agendum sit: ex ante dictis, colligi potest.

Dices 3. Pontifex in cit. c. *Landabilem*, 1366, dicit, accusatum de Adulterio, pendente lite non esse privandum jure suo, sicut nec Episcopus accusatus statim privari debet suâ Ecclesiâ pendente accusatione; sed hoc secundum fieri potest in multis casibus etiam lite accusationis pendente; ergo & illud. Min. probatur; hoc enim deciditur pluribus locis in jure; ut in c. *Accusatus 4. 2. q. 5. c. quotiens 15. de Simonia*, ubi docetur, Sacerdotem, de Simonia crimen accusatum, statim officio, & beneficio suspendi, ut in c. *Venerabili 37. de offic. deleg. c. fin. de accusat.* accusatus de dilapidatione statim suspenditur ab administracione suæ Ecclesiæ, & in c. *Sanè 16. q. 7. c. Si quis dist. 81. c. nullus dist. 32.* etiam ante sententiam potest subditus à superiori accusato discedere, illiquè obedientiam denegare; igitur potius in casu adducto à Cœlestino probatur, lite pendente possessori privari commodo suæ possessionis. Resp. jam constare dictam regulam, quod lite pendente nihil sit innovandum, habere exceptionem, quod non procedat in casibus jure exceptis, qualis est, ubi statim, propter atrocitatem criminis jure sic disponente, facta accusatione, vel solâ etiam diffamatione, lite pendente, aut etiam diffamatione clarè probata, proceditur ad privationem beneficii, prout fit in crimen Simoniae, dilapidationis, &c. ut constat ex c. *tanta*, de Simonia, c. 1. de Concessis; c. *Veniens 10. de Testibus*; nam licet sententia lata non sit ab homine prolatâ, tamen reperitur in jure, quod disponit, ut patratores hujusmodi scelerum ipso facto,

^{1367.} cto; nullà sententiâ præcedente, suspendantur proprii beneficiis.

Dices 4. Vir, qui pendente lite super priori matrimonio aliam duxit, sub pena excommunicationis prohibitus fuit, ne lite pendente ad hanc accedat; ut dicitur in c. *Tenor.* 10. de re judicat. & c. *Veniens,* de *Regul.* Vir, qui pendente lite super di-vortio propter allegatam consanguinitatem, aliam duxit, iubetur ab illa separari; 5. in c. *Literas,* de restit. spoliat. lite pendente super matrimonio cum exceptione consanguinitatis opposita, agenti ad restitutionem, negatur restitutio quoad thorum, & usum conjugalem. 6. in c. *Cum locum,* de sponsalibus, cùm lis penderet super valore matrimonii causâ metûs, Uxor apud honestas Matronas, dum lis penderet, deponi debuit; & Vit ejus possessione quoad cohabitationem, privatus fuit; ergo etiam in causis matrimonialibus lite pendente aliquid innovari potest.

^{1368.} Ad 4. Resp. ex c. *Tenor,* & c. *Veniens;* non impugnari, sed confirmari regulam, quam præfert rubrica hujus tituli; per hoc enim, quod Vir, pendente lite super matrimonio aliam duxerit, fecit innovacionem, seu actum præjudicium causâ in judicio pendenti; ergo recte prohibitus fuit à prosecutione talis præjudicii desistere, quod continuatum fuisset acceden-do secundam; ergo sequitur non aliquid in hoc casu esse innovatum à jure, sed innovationem, ab eo Viro, lite pendente faciem, jure fuisse reprobata.

^{1369.} Ad 5. Resp. in eo casu negatam fuisse

restitutionem ad usum conjugalem per carnale commercium pendente lite, quia pars, quæ opposuit exceptionem consanguinitatis, atque adeo nullitatem Matrimonii, paratas probationes offerebat in continentia; adeoque si etiam restitutio fieret ad copulam, facta fuisset cum probabili periculo incestus; hinc iste casus te ipsum excipit à dicta regula; nam, ubi lite pendente non innovando (nimis im pediendo actionem innovativam) est prudens periculum peccati, ex natura rei, innovatio facienda est, cùm sit casus jure naturali, & divino exceptus.

^{1370.} Ad 6. Resp. non tantum in casu, quod unus Conjugum necdum accèpit possessionem juris ad usum conjugalem Matrimonio nimis adhuc ratò tantum) prout fuit in casu, de quo agitur in c. *cum locum;* sed etiam ubi jam Matrimonium consummatum, & possessio acquisita est, concedi sequestrationem Uxor, etiam lite pendente; & i. quidem in primo ca-su, ubi matrimonium est ratum tantum; hanc enim etiam propria autoritate primo bimestri potest facere Uxor; si certa foret, se vi opprimendam à Viro, atque adeo privandam privilegio deliberandi de ingressu Religionis, deinde etiam in secundo casu, ubi lite pendente est periculum de saevie Viri, nulla cautione securitati mulieris sufficienter consulerit; nam isti sunt causis excepti ab ipso jure, non egentes prout initiatu-ne hominis, ubi motorie certa est causa sequen-
strandi.

QVÆSTIO XVII.

IN TIT. XVII. DE SEQUESTRATIONE POSSES-SIONUM, ET FRUCTUUM.

^{1371.} Cum superiori titulo dictum sit, ex tra causâ jure exceptos, lite pendente nihil esse innovandum, attentandum, vel agendum, aut mutandum, unde status causa in judicium deducet alteri litigantium præjudiciosus evadat; quan-doque tamen necessitas, vel rationabilis;

Tom. II.

& justa causa exigat, aliquam innovatio-nem fieri, saltem sequestratione vel ipsius rei litigiosæ, aut fructuum ejus, præ-senti titulo deciditur, quando ejusmodi sequestratio, in quibus rebus, & quomodo fieri possit, non obstante litis pendentiâ su-per causâ in judicium deducet.

ARTI-

U